

Date – 09/01/2025

Time - 7:30 -7:40Hrs

HEADLINES (MORNING)

1. Union Minister of State for Tribal Affairs Durgadas Uikey-an nimin khan Mamit tlawhin, Department hrang hrang official-te a thutkhawm pui
2. Mizoram State Election Commission chuan nimin khan Village Council leh Local Council inthlan neih tur atan Final Electoral Roll a tichhuak
3. Prime Minister Narendra Modia chuan hmasawna project cheng vaibelchhe nuai 2 chuang hu Andhra Pradesh-ah a hawng.
4. United States ah chuan ramkang avangin Los Angeles ah state of emergency puan a ni.



UNION MOS VISIT

Union Minister of State for Tribal Affairs Durgadas Uikey-an nimin khan Mamit tlawhin, Department hrang hrang official-te a thutkhawm pui a.

Union Minister chuan Aspirational District, Mamit District chhunga hmalakna hrang hrangte a taka hnathawh a nih leh nih loh enfiaha tlawh a nih thu a sawi a, Prime Minister-in tlangrama chengte hmasawna chu a ngaihpawimawh a nih angin hmasawna tura scheme hrang hrang duante chu a hlawhtlinna turin a kaltlang Department Official-te chuan ngaihtuahna tak tak an sen a tul a, scheme hlawhtlinna chu an kuta innghat a ni tih hre thar turin a chah.

A bikin Education leh Health Sector hnuai hmalaknate chu hmasawna hna kala pawimawh tak a nih avangin a chhawrtu mipuite chawikang ngei tura theihtawpchuah a tul takzet a ti. Aspirational hnuai line Department hrang hrangte hmalakna, hmachhawp leh harsatna awmte a ngaihtlak sak bawh a ni.

District Bawrsap Pu K. Lalawmlowa chuan Mamit District dinmun hrang hrang tarlangin Mamit District chhungah mihring 101290 an awm a, a zauzawng hi 3025 sq.m a ni. Chenna In 20902 awmin literacy rate hi zaa 84.93 a ni bawh.

Aspirational District hnuai hmalakna-ah tehfung hrang hranga tehna-ah Mamit District-in dinmun tha tak tak a lo hauh tawh a, hemi avang hian NITI Aayog atangin cheng vbc 19 lai dawn a ni a, ranking hnukung berah 5-na an hauh mek thu a tarlang bawh.

Nimin vek hian Tribal Affairs Minister hian DC Conference Hall-ah Mamit District chhunga hnam hrang hrang aiawhte kawmin, an mamawh leh harsatna an thlente a ngaihthlak sak bawk a ni.

Pu Durgadas Uikey hian Common Service Centre, Mamit Charkawn, Anganwadi Centre - I, Mamit Bazar veng leh Mamit College-te an dinhmun zirchiangin a hmunah a tlawh a ni.



AIR ARTIST DIED

Derna anka tih hla leh ama hlaphuah thahnem tak a sak vanga Mizo mipuiten an hriat lar, All India Radio Artist, C.Vanlalzuia chu Auto Rickshaw accident avangin nizan dar 8:15 vel khan Champhai District Hospital ah a thi.

C. Vanlalzuia kum 51 mi leh a nupui C. Lalhmangaihzuiali, kum 51 te hi auto rickshaw hmanga Champhai atanga Ngur khaw pana an kal lain nimin tlai dar 5:00 vel khan Champhai Zote dai, Ngur khua nena an inkar Sathar kham ah chesualin kawngthlang ah an tlan liam a, chetsualna hmunah C. Lalhmangaihzuiali, C.Vanlalzuia nupui chu thi nghalin C.Vanlalzuia hiann hliam na tak a tuar a, Champhai District hospital thlenpui a nih hnu atanga rei vak lovah a hliam tuar lovin a thi zui ve ta a, Vawiin ah Champhai Vengthlang North thlanmualah vuiliam an ni ang.



VC/LC E ROLL

Mizoram State Election Commission chuan nimin khan Village Council leh Local Council inthlan tur atan Final Electoral Roll a tichhuak a, District pakua-a District Election Officer/District Municipal Election Officer ten an tlangzarh.

Village Council inthlanna hi District pakua - Aizawl, Luglei, Serchhip, Champhai, Mamit, Kolasib, Saitual ah neih a ni dawn a. Kumin January ni 1 thlenga vote nei theite, bakah paih ngai leh siamthat ngai te siamthat anih hnuah Voter 437708 awmin, mipa 215610 leh hmeichhia 222098 an awm a ni.

Local Council inthlan ngaihna Local Council AMC leh LMC – ah te Local Council 111 awmin Municipal hnuai Local Council hmun hniha inthlanna neih turah voter mipa 132667 leh hmeichhia 153265 awmin a vaiin vote nei mi 285932 an awm a ni.



MYC

Mizoram Youth Commission (MYC) leh HCL Technologies Limited te'n thawhhona thuthlung an lo ziah tawh bawhzuina kal zelah nimin khan MYC Office ah LESDE Department, School Education Department leh Higher & Technical Education Department te'n meeting an nei a.

HCL Tech hi technology company niin, ram hrang hrangah an inzarpharh a. Class-XII zo tawh te tan training an pe thin a. IT Role atan thla 6 atanga thla 12 chhung training leh Associate Role atan thla 3 atanga thla 12 chhung an pe thin a, training chhung hian stipend an pe thin bawh a ni. Training zo te tan hian HCL ah hna a pe nghal thin a, graduation course online-in a zirtir thin bawh a ni.

Meeting-ah hian he hmalakna hi Mizo thalai te tan programme tha tak a lo nih ngei an beisei thu member te chuan an sawi a. Chumi atan chuan MYC leh a kaihnhawih Department pawhin theihtawp hmalak an tum thu an sawi bawh.

<><><>

CYBER CRIME

Mizoram Police CID crime hnuaiia cybercrime PS report danin nikum July thla leh December inkarah criminal complain ziahluh 8 leh FIR thehluh 15 a awm.

Thawktute sawi danin, criminal case ziahluh te hi mi puh hmingchhiat a ni tlangpui a, FIR thehluh te hi - siamtute remtihna lova video tih chhuah, internet kaltlanga sum hmanga inbumna leh mipat hmeichhiatna lam kaihnhawih inbumna te a nih tlangpui thu an sawi bawh.

Heng bakah hian National Cybercrime Reporting Portal (NCRP) ah case 250 chuang ziahluh niin enquiry 200 chuang ziah a nih thu an sawi bawh.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

PRESIDENT

President Draupadi Murmu-i chuan vawiin hian Meghalaya leh Odisha a tlawh dawn a. Meghalaya-ah hian ICAR Research Complex, North Eastern Hill Region Umiam-a Golden Jubilee lawmna a hmanpui dawn a. Naktukah Odisha-a Pravasi Bharatiya Divas lawmnaah thusawiin Pravasi Bharatiya Samman Award a sem bawh ang.

<><><>

PM IN AP

Prime Minister Narendra Modia chuan hmasawna project cheng vaibelchhe nuai 2 chuang hu Andhra Pradesh-ah a hawng. Visakhapatnam-a Andra University Engineering College Gorund-ah thusawiin Pu Modia chuan Andhra Pradesh tan ni

pawimawh tak anih thu sawiin hmasawna ruhrel pawimawh tak tak hawn anih bakah energy thianglim nei tura hmalakna te a nih thu a sawi a. Pu Modia chuan NDA sawrkar chuan Andhra Pradesh tana hmasawna huapzo leh kawng tinrenga hmasawna thlen chu a tum a ni a ti bawk.



US

United States ah chuan ramkang avangin Los Angeles ah state of emergency puan a ni. LA-ah hian atirah ram acre 10 vela zau a kang a, darkar khat hnu lekah acre 2900 chuanga a kangkai hman niin tualchhung chanchinbumite chuan an sawi a. He kangmei chhuak hian hmun pawimawh leh vantlang hmunte a kangchhe nual tawh nia thudawn a ni a. Mi nuai khat chuang chu hmun him lamah sawnchhuah tawh an ni a. Kangthelhtu mi 1400 chuang dah luh an ni..

